

重訂賦役成規

重訂賦役成規序

維揚當南北孔道煩費視他
郡為甚所行賦役舊有成規
相沿已久顧自余承乏此間
則見法弊相乘額以外令人
無敢浸淫者此成規也而額

以內令人猶得影響者亦此
成規也蒞任之初偶檢泰州
倉口銀一欸覈五千之數供
公家用者止五之一以一節
驗侏儒因遍核他州縣汰去
虛冒已計二萬六百兩有奇

矣濫竽既久頗有老馬之識
而伏遇

諸臺皆以節用愛人為心弊絕
風清為政余不佞斤斤持議
幸相脗合遂一意洗刷與郡
屬各長官日夜磨勘所議革

冗濫又無慮數萬緡蓋先後
報可凡額內虛數種種如倉
口類者及名為協濟徒資影
射諸弊竇一切報罷減免丁
糧銀四萬一千一百四十二
兩零改去協濟銀一萬四千

六百六十六兩零請免節省
銀六千五百四十二兩一錢
九分零裁減雜辦銀三千一
百七十九兩七錢二分零噫
御馬比民顏闔有已疲之論
張弓喻法蘓威知必弛之期

此固其疲而弛之會耶第恐
規條雖善方策未脩則異時
者害已之籍無存而告朔之
羊誰守故將各州邑減存之
數分款編輯付諸梓人以為
後鏡昔曹平陽之去齊也不

忘獄市之寄古人深心為國
類如此余不佞何敢望平陽
萬一然區區之意亦願後人
畫一守之庶無負

各臺今日苦心云爾何論不佞
萬曆四十三年乙卯季秋吉

整飭揚州海防兵備副使古
豐熊尚文序

整飭兩淮鹽法右叅議臨川
吳撫謙

揚州府知府郭之琮

同知張繼芳

原缺

欽差整飭揚州海防兵備兼管河道浙江等處提刑按察司副使熊 為清錢糧杜虛冒以寬民力事照得揚州十屬每年派徵錢糧悉照賦役成規所從來久矣本道蒞任數年上不見稱濫下不見稱苦何敢不仰體

本院寬大寧淨之德意而故為多事故一切公費等銀修理等項及夫馬皂壯各役工食等項俱准照舊派徵惟是脂膏填於溝壑帑藏洩於漏卮有微無解如倉口等項之類法難姑息義當請裁計

先已議裁銀大約貳萬陸百有奇俱經詳蒙

各院批允永不派徵見今鐫刻在石續該本道再
檢閱賦役成規似已無額外應裁之濫徵止有額
內應覈之虛數冊派州縣協濟之銀竟成彼此影
射之弊本道又有概於中祇以追陪

各院巡歷未暇昨於去拾壹月通行該府并高江
等各州縣吊取各該冊卷在道一一校勘磨對凡
解府者查該府轉解轉支之批卷凡存留者查該
州縣作何支銷之卷領凡協濟者查所屬協濟州

縣之批收一一驗同方作實數其有總款而
目者分毫必求下落其有款項同而多寡懸者齊
量必求適均凡協濟之空載其名者徑為開除凡
協濟之互有其實者酌為對抵但是改歸別項者
悉去其舊款但是存留無用者盡蠲之民間另議
成規顧揚屬非他郡可比吏弊多端如倉口多餘
銀叁拾玖年該本道詳請批允免派矣泰興縣肆
拾壹年輒又妄援未允之道詳要留壹半抵數姓
之冊糧如歲貢盤纏花紅銀冊載每名伍拾兩十

州縣皆然矣江都縣又私增派貳拾伍兩本道查出詳減而吏書輒誑諸生妄行呈擾其弁髦憲之作奸射利如此類者未易屈指數也已經列款備行該府并所屬高江等十州縣酌議凡有各官實見得某項本道今議減而應得留某項成規向未議徵而今應加派俱要悉心躬自查覈作速條議毋得日後聽憑吏書妄自申擾阻撓至於公費等銀稍涉不明便干清德在本道固不當為淵魚之察而在各官則自當勵羔羊之節尤宜崇儉共成

雅道去後今據該府行據各屬酌議造冊登答存
減緣由到道該本道覆加參酌內節省壹項共銀
陸千肆百玖拾肆兩玖錢壹分亦應請詳

題免除另款暫徵外查得各屬起存各項錢糧如江
都泰興貳縣協濟高通儀寶肆州縣倉麥銀陸百
壹拾叁兩零又通泰玖州縣協濟高通倉馬草銀
壹百柒拾叁兩零原議以備災傷者乃各州縣每
歲徵派未見作何支銷祇充里遞吏書囊索於民
間毫無實濟又協濟各驛站馬銀壹千肆百陸兩

零閏月在外查各屬自有走遞差馬歲支草料銀
叁拾陸兩閏月在外足堪差撥各驛並未設有站
馬此項徒滋虛冒又協濟各驛傘轎銀壹百捌拾
伍兩據府議各處原有額設傘轎銀每副柒兩又
另有修理之銀壹年之內盡皆敝壞不堪者即
或稍有破損尚可修理由應用歲額柒兩尚有剩餘
奚容協濟徒滋冒破又貳拾捌年協濟大柳驛新
加馬銀叁拾兩江浦縣新加夫銀陸拾壹兩零江
淮驛新加馬銀捌兩零又新加傘轎銀拾陸兩已

據府議另詳請免以上共銀壹千捌拾餘兩其名
協濟其實冗濫所當徑為開除者是也又京庫顏
料續加解官雜費銀肆拾玖兩捌錢零查起運錢
糧舊規各有本等水腳惟顏料壹款已該本道詳
請批允各州縣伍年輪派解官壹次所有收買本
色之費該州縣臨時自酌設處不得越外加派於
民又軍器續加銀捌拾柒兩零段絹續加銀捌拾
叁兩零查軍器段絹每年匠役人等告爭造織據
其告詞強半侵冒額內者尚應議裁况可加於額

之外乎又答應上司鋪陳銀柒拾貳兩并廣陵驛
鋪陳銀叁拾壹兩查

各院道出巡與書吏俱各自帶原屬無用故河南
各處俱已裁革又邵伯等驛新增館支銀玖百陸
拾叁兩零高江等州縣新增夫廠銀壹千壹百柒
拾肆兩零閏月在外查貳項原因

撫院駐劄泰州加添今移鎮淮安已久而前銀徵
派如故是徒滋驛棍吏胥通同濫冒之弊又揚州
府冊房書工銀捌拾陸兩江儀貳縣是冊紙張書

二銀壹百柒拾捌兩查別府與各州縣並未設有
獨該府縣添設者謂因院道府廳取用然院道按
臨不過一時暫取即於該府縣書辦中輪撥應用
縱給工食寧費幾何焉用預徵以滋虛冒至各府
廳自有各衙門實役書辦難容濫設又

鹽院聽事民壯陸名銀陸拾肆兩捌錢報事小甲
壹名銀柒兩貳錢查各役止是

本院駐揚跟隨應用如巡歷別屬即安閑在家然
在揚之日似少巡行之日居多并

本院煖轎銀拾兩據稱節年並未支解徒為虛設
供經具詳荷蒙

本院軫念地方業俱批免以後如遇駐揚就於江
都縣額設民壯壹百伍拾捌名之內輪撥柒名以
陸名聽事以壹名報事如遇巡行仍回縣聽差煖
轎銀永不派徵又江都縣墩夫銀捌拾兩查各處
墩夫俱係鄉兵協同哨犯瞭望並不議編工食乃
獨該縣添設不無冒濫又通州座船水手陸名銀
肆拾叁兩貳錢查該州座船肆隻既於牙行銀內

派有水手貳拾叁名似足駕用何得又加審條
且該州治在入裏原非衝途差煩者比又高郵州
多徵蘆蓆銀捌兩玖錢零通州多徵貼解銀壹百
貳兩零復徵革過水脚銀壹百伍拾捌兩零如皋
縣多徵筊竹銀陸拾貳兩零及重徵坐稅抵補條
鞭銀陸百兩寶應縣多徵筊竹銀伍拾叁兩零江
都縣復徵裁過存留銀柒拾柒兩零儀真縣重開
差馬節省商稅銀叁百兩俱經本道行府轉行州
縣逐一查明委係虛列欸目而毫未有實用所謂

額內應核之虛數者此也各屬存留米麥豆銀壹萬壹千陸百捌兩零鹽鈔等銀肆千叁百伍拾壹兩零除額支各衛所官軍俸鈔該銀壹萬肆千陸百餘兩外其餘無項可支共多徵銀壹千叁百陸拾餘兩既無支款多徵何為所謂有總款而無細目分毫必求下落者此也又各州縣公費銀原以備公家之用乃久之寢成私費如該州縣交際酒席犒賞柬帖紙張等項應動自理贖錢為是乃悉於此項支銷每歲派徵銀叁千柒百玖拾捌兩今

據府議江都首縣比照山陽首縣其餘酌量地方
衝僻煩簡為差等議留銀共壹千玖百捌拾貳兩
伍錢儘足公用比舊淨多銀壹千捌百壹拾伍兩
此蓋本府行之各州縣酌議相同者又繕修銀壹
千貳百玖拾陸兩傘轎銀壹百叁拾玖兩肆錢零
公座桌幃銀叁百貳拾叁兩伍錢新官到任家火
銀壹百肆拾壹兩叁錢肆項共銀壹千玖百兩貳
錢捌分據府議衙宇與轎乘每年間一修葺公座
桌幃除各本衙門外其餘公館答應者雖冬夏一

易然亦未必有壹季壹換者且換下舊物不可變
價湊置乎新官到任參騁年壹次以數年積存之
銀供一時買辦之用未有不盈足者今該府行各
州縣自行酌量裁定在繕修應減銀伍百貳拾叁
兩零公座桌幃應減銀壹百柒拾餘兩零新官家
火應減銀柒拾兩零傘扇轎乘應減銀貳拾壹兩
零又瓜洲操江民壯壹百柒拾伍名查該鎮先年
未設有兵故設各役以防江今該鎮水陸具備官
兵綦布星列此輩徒充虛數耳擬府議留捌拾名

為守城巡緝之役其餘玖拾伍名相應裁汰歲省銀陸百捌拾肆兩又該府管河官原有座船貳隻近通判馮乘雲具呈請減壹隻并水手柒名歲可省銀肆拾陸兩玖錢足徵本官節愛之一斑以上共該減免銀肆千陸百捌拾玖兩玖錢零所謂存番無用當盡蠲之民間者是也又各處守把與鹽城守備官供應銀共肆百貳拾肆兩零閏月在外久已改歸軍餉項下及淮安府支領矣而猶或在成規徒為奸猾里胥借名私歛通同侵牟又朝

親官員夫馬銀貳百玖拾伍兩例不派及里甲并曆
日損夫銀肆拾兩處決花紅銀壹百伍拾兩捌錢
查別屬俱取給於自理紙贖獨揚屬加派於民不
惟有干明禁亦且事屬創見又稅監供應銀叁百
陸兩該監去後即應停免向以飛派清河縣麥銀
議存抵解亦一時權宜近據儀真縣以冊糧請留
已該本道遵照原行暫將遺稅銀兩請抵復蒙詳
批移候淮徐道酌議停免又寶應縣河下官農工
食銀壹百壹拾伍兩貳錢查各屬此項俱議裁革

但該縣近因淮屬將山陽等縣協濟寶應夫廠銀
貳百伍拾伍兩徑行裁免恐應付不敷日後又妄
加派合將前項工食改抵該縣夫銀俾應付稍裕
亦可以杜加派之擾以上共銀壹千零肆兩壹錢
零所謂改歸別項悉去其舊款者是也又修船銀
舊額壹千壹百玖拾捌兩玖錢該前任知府郭光
復條議上等座船壹隻審銀叁拾兩中等審銀貳
拾伍兩下等審銀貳拾兩以柒分為歲修以叁分
積存在庫為大修打造之費其議極善乃日久法

弛吏書作奸並不詳請某船應修估計銀若干但以委官姓名寫印壹領狀粘卷任憑冒破叁拾肆年以致復議加增乃至叁百叁拾貳兩之多該本道查出業經詳明改正以後凡遇修理詳道批允估計方許動支仍照該府前議等則給與修造加增銀兩悉行削除垂示永久以杜日後紛更之弊又各處舖司兵并淺官淺夫以及巡司弓兵與各衙門皂甲民壯斗級庫書庫夫等役工食有拾兩者玖兩者柒兩貳錢者每歲共審編銀叁萬捌千

百柒拾壹兩零而又益以協濟弓兵銀壹千壹
百捌拾壹兩肆錢今據府議楊屬一帶河道原無
大用工處即有歲修時地幾何所屬淺夫本多冗
閑但關係漕運事體未敢輕議姑照江都縣一例
每名各給銀柒兩陸錢外另徵陸錢以為扣解椿
草之數舖兵雖云路有衝僻然傳遞總之不踰拾
里之外弓兵快手不過巡緝鹽盜民壯皂甲不過
迎送官府斗級不過看倉至於庫書原與六房書
手相等而庫夫又各屬俱無者除舖兵工食俱議

定一例柒兩貳錢其餘各役俱據府議各照州縣煩簡量為汰裁共汰去捌百貳拾餘名并裁免協濟弓兵工食歲計共可省銀陸千叁百柒拾兩零又高江寶應叁州縣官農工食銀柒百拾捌兩捌錢內江都縣獨伍百肆拾陸兩借名河下過客任憑棍役通同吏書侵分殊可嘆恨今據府議江都亦照山陽首縣念其縉紳駐泊者稍多仍加存銀貳百貳拾兩貳錢壹分高郵照舊伍拾柒兩陸錢改歸商鈔等銀出辦寶應縣議減銀壹百拾伍兩

貳錢改抵夫廩外另議商鈔出辦貳拾捌兩捌錢
雇募捌名卷應歲減派銀叁百貳拾玖兩捌錢零
又各處備用紗燈祭祀春宴鄉飲酒禮旗匾行香
白牌刑具等項共銀壹千貳百兩零里治大小不
同所費不無多寡之異該府因其煩簡為之酌定
歲仍派徵銀玖百壹拾兩有奇減銀貳百捌拾陸
兩零又各屬儒學門庫夫工食每名歲審銀拾兩
今比照各役一例裁作柒兩貳錢每名歲可省銀
貳兩捌錢緣各教官舊未審率夫今以所省餘之

銀給充催募傘夫之費用彰崇儒重道之雅以上
共省銀柒千叁百壹拾陸兩捌錢零所謂款項同
而多寡懸當劑量裁抑適均者是也又各屬鄉試
中式人數有無多寡不齊各州縣實徵坊牌長夫
銀各有定則而會試中式坊牌銀向未審派往往
臨時請增今府議以各州縣會試長夫銀伍百貳
拾肆兩零并舉人坊牌賀禮銀叁百兩共銀捌百
貳拾肆兩零每歲俱類解該府聽候通融支給先
儘見在會試并新中者照舊日額規給與倘有盈

餘另項貯庫如遇會試中式者即於此內支給則
作興之典既周而請派之繁可省又該府正佐首
領等官一切供應等費并跟從門皂等役工食共
審編銀伍千貳百陸拾肆兩零舊俱派在各州縣
支領款項瑣屑頭緒繁多一員之下有派數州數
縣者不但便關領抑且不無影射之弊今議知
府員下派在泰州清軍同知與推官知事照磨肆
員下派在通州江防同知船政同知與經歷參員
下派在泰興縣管糧通判與檢校貳員下派在如

阜縣管河通判與揚州遊擊貳員下派在江都縣
南河工部分司派在高郵州各分為肆季解赴各
衙門聽本官唱名給散則冊籍易於緝檢百姓便
於輸納而在官各役亦省往返守候之苦又廣陵
等陸驛館支等銀共壹萬壹千捌百伍兩零舊俱
審在各州縣出辦協濟往往各驛藉口徵解愆期
失候夫廩通同庫兵吏書借庫透支流弊無窮今
議將各州縣協濟銀兩歸併有驛州縣如廣陵邵
伯驛屬江都則泰州通州興化等縣原該協濟江

都者悉以該縣協濟府官等項工食并軍餉解府
銀一一抵兌共肆千肆拾玖兩零俱改在江都孟
城界首驛屬高郵州則泰州泰興等州縣原該協
濟該州者悉以該州協濟各衙門并軍餉解府者
一一抵兌共肆千肆拾柒兩零俱改在高郵安平
驛屬寶應縣則將泰州如皋等州縣原該協濟該
縣者悉以該縣協濟各衙門與軍餉解府者一一
抵兌共壹千柒百壹拾貳兩零俱改在寶應儀真
驛屬儀真縣則將泰州泰興等州縣原協濟該縣

者悉以該縣協濟各衙門與軍餉解府者一一兌
抵共銀貳千柒兩零俱改在儀真其泰州通州泰
興如皋興化伍州縣原編協濟銀項俱各刪去庶
錢糧歸一而影射之弊可杜以上叁項銀無增
所謂協濟之互有其實酌為對抵者是也又高江
等玖州縣各項閏月銀玖百壹兩零查閏銀原以
伍歲再閏為額若預徵在官祇供吏胥那借臨時
未免仍復加派應照通州一例直俟遇閏之年方
行徵給以杜侵那此亦所謂影射之弊不可不覈

者是也除各項各款應徵應解應仍照舊者備細
開載於冊不開外今共裁省冗費銀貳萬伍百叁
拾伍兩零連前減免過新增軍餉并倉口等銀通
計肆萬玖百柒拾捌兩柒分零以田畝人丁科筭
計上中等丁每丁得減銀叁錢貳錢以至捌分者
最下下丁亦得減銀肆釐田畝計上中則每畝得
減銀伍釐貳毫捌絲最下下則每畝亦得減銀貳
毫玖絲上不損

國家分毫惟正之供下可甦億兆蒼赤瘡痍之苦本

道與該府暨各州縣再四參酌及詢諸士民父老
輿論僉同毫無偏主較之各州縣舊日一切支費
其中雖不無稍儉而以視別屬近日減定規則其
間亦不無稍贏總之在揚州地方議揚州賦役如
是焉可矣謹將錢糧款目分別州縣各另繕冊登
咨減存緣由及將各州縣減過田糧人丁等則實
徵實派數目另置由西平壹式進呈
憲覽伏惟

本院批示下道備行該府刊刻成書及將由票一

併轉行各州縣翻刊分發里遞遍給小民仍出示
於各城市鄉村張掛務使家喻戶曉各識所減所
徵之數自肆拾肆年為始俾里遞吏書不得多徵
重派如此庶錢糧有畫一之法里胥無漏侵之實
其於

國計民生官箴參者裨益非渺鮮矣緣係清錢糧杜
虛冒以寬民力事理本道未敢擅便今將訂正過
揚州府所屬拾州縣錢糧總開於後

計開

原額總數

稅糧條鞭共銀貳拾柒萬柒千壹百捌拾伍兩

陸分柒釐陸毫捌絲陸忽壹微貳纖柒

沙肆塵叁渺捌漠

正改兌并加耗補潤米共拾萬伍千叁百貳拾

陸石叁斗陸升壹合叁勺柒撮伍圭

鳳陽府倉本色米壹萬壹百柒拾石柒斗柒升

陸合

續增總數

續增銀壹萬柒千肆百拾伍兩肆錢玖分貳釐
捌忽叁微陸纖玖沙內加增銀貳千捌
百貳拾肆兩陸錢壹分玖釐壹毫貳絲
壹忽肆纖伍沙微抵各州縣協濟銀壹
萬肆千伍百玖拾兩捌錢柒分貳釐捌
絲柒忽叁微貳纖肆沙

減免總數

減免銀伍萬伍千捌百玖兩叁分肆釐陸忽肆
微玖纖捌沙捌渺捌漠內裁革銀肆萬

壹千壹百肆拾貳兩伍分壹釐肆毫玖
絲捌忽叁微伍纖捌渺捌漠除去原價
濟今兌歸各州縣認納銀壹萬肆千陸
百陸拾陸兩玖錢捌分貳釐伍毫捌忽
壹微肆纖捌沙

實徵總數

稅糧條鞭共銀貳拾叁萬貳千玖百兩玖錢叁
分叁毫捌絲柒忽玖微玖纖捌沙叁塵
伍渺遇閏共加銀壹千壹百伍拾叁兩

參錢壹分貳釐叁絲叁忽肆微肆沙壹
塵

本色正改兌并加耗補潤米拾萬伍千叁百
貳拾陸石叁斗陸升壹合叁勺柒撮伍
圭

鳳陽倉本色米壹萬壹百柒拾石柒斗柒升
陸合

亳州倉麥壹百伍拾石

聽候題免節省銀伍千捌百柒拾肆兩壹錢

北平府志卷之十七

十七

玖分貳釐貳毫今仍暫徵

北京

戶部

鹽鈔銀壹千肆百叁拾壹兩捌錢壹分叁釐柒毫貳絲陸忽貳微壹纖水脚銀壹拾肆兩叁錢壹分捌釐壹毫叁絲柒忽貳微陸纖貳沙壹塵遇閏加銀并水脚共銀壹百貳拾兩肆錢柒分玖釐貳毫陸絲陸忽捌纖柒沙陸塵柒沙

蠟茶銀捌百叁拾肆兩捌錢貳分捌釐柒毫
伍絲水脚銀拾陸兩陸錢玖分陸釐伍
毫柒絲伍忽

果品菓筭銀叁百叁兩肆錢肆釐伍毫水脚
銀陸兩陸分捌釐玖絲

富戶銀壹百兩水脚銀壹兩

顏料銀玖百玖拾柒兩貳錢玖分肆釐叁毫
叁絲貳忽壹微貳纖伍沙水脚銀玖兩
玖錢柒分貳釐玖毫肆絲叁忽叁微貳

織壹沙貳塵伍渺鋪墊銀肆百陸拾兩
陸錢玖分柒釐貳毫玖絲柒微伍纖

馬草并南京光祿寺細稻草今改京庫草共
該折徵銀陸千叁百兩水脚銀陸拾叁
兩

農桑絲絹銀伍百捌拾肆兩肆錢貳分捌釐
陸毫水脚銀伍兩捌錢肆分肆釐貳毫
捌絲陸忽

正兌米陸萬石

加叁耗米壹萬捌千石

補潤米伍千貳百捌石壹斗肆升叁合壹勺

柒杪

改兌米壹萬柒千石

加貳伍耗米肆千貳百伍拾石

補潤米捌百陸拾捌石貳斗壹升捌合貳勺

叁杪柒撮伍圭

折色米貳萬石每石折銀伍錢共銀壹萬兩

水腳銀壹百兩

隨糧輕齎蘆蓆易米水脚銀玖千捌百貳拾
伍兩貳錢柒分叁釐叁毫玖絲叁忽貳

微

禮部

牲口銀貳千壹拾捌兩貳錢捌分水脚銀肆
拾兩叁錢陸分伍釐陸毫

藥味銀叁拾叁兩肆錢伍分伍釐水脚銀陸
錢陸分玖釐壹毫

稻皮銀拾陸兩貳錢水脚銀叁錢貳分肆釐

兵部

馬價銀貳萬陸千玖百拾叁兩玖分捌釐陸毫肆絲捌忽水脚銀貳百陸拾玖兩壹錢叁分玖毫捌絲陸忽肆微捌纖

種馬草料銀肆千壹百玖拾壹兩水脚銀肆拾壹兩玖錢壹分

草場租銀壹百柒兩柒錢叁分貳釐伍毫

工部

四司料價銀玖千伍百肆拾伍兩玖錢壹分

柴釐叁毫伍忽水脚銀玖拾伍兩肆錢伍分玖釐壹毫柒絲叁忽伍纖

磚料銀壹千肆百拾叁兩壹分貳釐水脚銀拾肆兩壹錢叁分壹毫貳絲

軍器并鋪墊水脚共減存舊額銀壹千壹百伍拾壹兩玖錢壹分捌釐

胖衣并鋪墊水脚銀貳千陸百叁兩伍錢伍

分

兵

水脚銀肆百伍拾貳兩壹錢伍分柒

釐伍毫捌絲

麂皮銀壹百貳拾貳兩肆錢水脚銀壹兩貳錢貳分肆釐

天鷲活鹿銀貳拾捌兩伍錢水脚銀貳錢捌分伍釐

藍靛銀肆百玖拾貳兩伍錢水脚銀肆兩玖錢貳分伍釐

蒲草銀壹百伍拾兩水脚銀叁兩

京匠衣糧銀貳百伍拾貳兩水脚銀貳兩伍

錢貳分

黃白麻料銀貳百叁拾肆兩陸錢玖分捌釐
壹毫叁絲水脚銀貳兩叁錢肆分陸釐
玖毫捌絲壹忽叁微

段絹并金工鋪墊水脚共減存原額銀壹千
玖百叁拾伍兩玖錢玖分

南京

戶部

定場馬草銀貳千壹百柒兩肆錢肆分水脚

銀貳拾壹兩柒分肆釐肆毫

禮部

藥味銀叁兩陸錢伍分柒毫伍絲水脚銀叁
分陸釐伍毫柒忽伍微

兵部

壯直禁子銀柒百玖拾肆兩陸錢遇閏加銀
叁拾伍兩肆錢柒分伍釐

工部

茭苗茗帚銀叁拾肆兩陸錢捌分柒釐伍毫

水脚銀叁錢肆分陸釐捌毫柒絲伍忽

太僕寺

柴薪皂隸共銀壹百肆拾捌兩遇閏加銀

兩

牛犢銀叁拾壹兩陸錢

坐派光祿寺犍牛銀柒錢伍分

短班醫畝銀貳兩柒錢

南京都察院項下

禁子壹名銀拾兩

刑部

看監皂隸壹名銀玖兩遇閏加銀陸錢

撫院項下

解貯揚庫聽支狼掘等拾營兵餉銀壹萬拾

肆兩陸錢柒分

供應銀叁百兩

門子皂隸廚子水手船頭等役工食銀叁百

叁拾柒兩玖錢捌分柒釐伍毫

書吏衣服改解淮庫充餉銀貳拾兩

操院項下

解貯揚庫聽支防江儀真等營新舊并改
克水手軍餉共銀玖千捌拾叁兩肆錢
過閏加銀叁拾柒兩柒分貳釐陸毫貳
絲

解應天府支給遊巡等營水手工食銀玖百
柒拾貳兩

旗牌官并選鋒鳥銃等役口糧銀叁百玖拾
捌兩肆錢

解貯揚庫聽本院支取會手銀叁拾貳兩
錢

河院項下

船頭水手工食銀柒拾貳兩

學院項下

供應銀肆拾兩柒錢壹分柒釐伍絲

船頭水手工食銀伍拾兩肆錢

鹽院項下

門廚燈夫轎夫船頭水手工食銀貳百陸拾

伍兩壹錢

漕院項下

船頭水手工食銀壹百陸拾伍兩陸錢

江院項下

船頭水手工食銀捌拾兩肆錢

倉院項下

船頭水手工食銀柒拾貳兩

屯院項下

船頭水手工食銀柒拾貳兩

海防道項下

供應傘轎等銀叁百柒拾玖兩陸錢捌分伍釐貳毫貳絲肆忽遇閏加銀拾柒兩伍錢陸分肆毫伍絲

寫真書工銀捌拾壹兩貳錢遇閏加銀壹兩捌錢陸分貳釐

聽事官吏燈夫并揚州看院門子工食銀壹百拾柒兩陸錢

箭手工食銀壹千叁拾貳兩

座船水手工食銀壹百玖拾肆兩肆錢

漕儲道項下

供應銀壹百玖拾捌兩肆錢伍分貳釐伍毫

遇閏加銀壹兩捌錢陸分伍釐叁毫

絲伍忽

柴薪銀肆拾壹兩玖錢陸釐陸毫陸絲陸忽

遇閏加銀陸錢壹分

座船水手工食銀捌拾陸兩肆錢

南河工部項下

廩給供應銀叁百伍拾伍兩柒錢陸分捌釐

遇閏加銀貳拾玖兩肆錢捌分壹釐貳

毫

門皂快手水手等役工食銀伍百拾兩玖錢
執事銀叁兩

揚州鈔關項下

門庫皂隸攪冊夫小甲轎夫水手工食銀貳
百柒拾兩肆錢

書工銀伍兩

知府員下

祗候馬夫公費柴燭銀貳百陸拾壹兩陸錢
遇閏加銀拾捌兩肆錢陸分陸釐

門皂甲首快手燈夫船頭并聽差座船水手
工食銀壹千伍百柒拾陸兩伍錢陸釐
齋冊長夫銷繳魚課勘合寫本書工并刑具
共銀伍拾陸兩貳錢

消軍同知員下

祗候馬夫公費油燭銀壹百兩遇閏加銀

兩

門皂甲首快手燈夫船頭水手工銀伍百貳兩玖錢

江防同知員下

祇候馬夫公費油燭銀壹百兩遇閏加銀伍兩

門皂甲首快手燈夫船頭水手民壯工食銀捌百拾叁兩伍錢

船政同知員下

祇候馬夫銀捌拾兩遇閏加銀肆兩

門皂快手甲首燈夫工食銀貳百伍拾貳兩

管河通判員下

祇候馬夫公費油燭銀壹百兩遇閏加銀伍

兩

門皂快手甲首船頭水手燈夫工食銀貳百

伍拾叁兩肆錢

管糧通判員下

祇候馬夫公費油燭銀壹百兩遇閏加銀伍

兩

門皂快手甲首船頭水手燈夫工食銀貳百

捌拾柒兩玖錢

推官員下

祇候馬夫公費油燭銀柒拾陸兩遇閏加銀

叁兩

門皂快手甲首船頭水手燈夫工食銀叁百

捌拾叁兩玖錢肆分

經歷員下

卷之八

二八

祇候馬夫公費油燭銀柒拾兩遇閏加銀貳

兩伍錢

門皂甲首燈夫工食銀肆拾肆兩肆錢

知事員下

祇候馬夫公費油燭銀柒拾兩遇閏加銀貳

兩伍錢

門皂甲首燈夫工食銀肆拾肆兩肆錢

照磨員下

祇候馬夫公費油燭銀柒拾兩遇閏加銀貳

兩伍錢

門皂甲首燈夫工食銀肆拾肆兩肆錢

司獄司員下

祗候銀貳拾肆兩遇閏加銀貳兩

府學教官

膳夫齋夫廐馬銀叁百肆拾伍兩遇閏加銀

貳拾壹兩貳錢伍分

門庫工食銀壹百貳拾兩

瓜洲巡司弓兵工食銀壹百柒拾貳兩捌錢

邵伯巡司弓兵工食銀壹百貳拾玖兩陸錢
萬壽巡司弓兵工食銀壹百貳拾玖兩陸錢
歸仁巡司弓兵工食銀壹百貳拾玖兩陸錢
上官橋巡司弓兵工食銀壹百拾伍兩貳錢
海安巡司弓兵工食銀壹百貳拾玖兩陸錢
寧鄉巡司弓兵工食銀壹百貳拾玖兩陸錢
西溪巡司弓兵工食銀壹百貳拾玖兩陸錢
口岍巡司弓兵工食銀壹百肆拾肆兩
黃橋巡司弓兵工食銀壹百肆拾肆兩

印莊巡司弓兵工食銀壹百肆拾肆兩

衡陽巡司弓兵工食銀柒拾貳兩

槐樓巡司弓兵工食銀捌拾陸兩肆錢

安豐巡司弓兵工食銀壹百拾伍兩貳錢

張家溝巡檢司弓兵工食銀壹百貳拾玖兩陸

錢

時堡巡司弓兵工食銀壹百肆拾肆兩

石港巡司弓兵工食銀壹百肆拾肆兩

狼山巡司弓兵工食銀壹百肆拾肆兩

吳陵巡司弓兵工食銀貳拾兩肆錢

廣陵驛館支水夫傘轎座馬共該銀貳千叁百

玖拾肆兩肆錢遇閏加銀壹百貳拾陸

兩

邵伯驛館支水夫傘轎座馬共銀壹千柒百捌

兩柒錢伍釐捌毫柒絲遇閏加銀玖拾

壹兩叁錢柒分伍釐叁毫

儀真驛館支水夫傘轎共銀壹千貳百拾叁兩

壹錢玖分遇閏加銀肆拾兩陸錢肆分

壹毫貳毫

孟城驛館支水夫傘轎座馬共銀貳千壹百柒拾柒兩玖錢肆分玖毫叁絲伍忽陸微遇閏加銀壹百壹拾壹兩陸錢陸分壹釐柒毫伍絲叁忽

界首驛館支水夫傘轎座馬共該銀壹千玖百拾肆兩伍錢柒分捌釐捌毫遇閏加銀玖拾壹兩貳分叁釐貳毫叁絲叁忽叁微

安平驛館支水夫傘轎等銀共壹千柒百陸拾
兩玖分伍釐伍毫遇閏加銀壹百拾兩
柒錢肆分玖釐陸毫

狼山副總兵員下

供應銀拾柒兩玖錢貳分柒釐伍毫

揚州遊擊員下

供應銀叁百玖兩叁錢貳分壹釐伍毫遇閏

加銀拾兩肆錢貳分柒釐伍毫

座船水手工食銀肆拾陸兩玖錢

承儀守備員下

供應銀柒才叁兩陸錢柒分玖釐柒毫遇閏
加銀陸兩壹錢叁分玖釐捌毫

狼山把總員下

供應銀玖拾陸兩遇閏加銀捌兩

周橋把總員下

油燭銀貳拾肆兩遇閏加銀貳兩

解府支解

京榜紙銀叁拾兩

魚課銀柒拾肆兩陸錢陸分捌釐

官軍俸糧鈔銀玖千壹百肆拾貳兩柒錢捌
分陸釐壹毫壹絲陸忽遇閏加銀陸拾
伍兩壹錢壹分壹釐陸毫捌絲壹忽陸
纖陸沙

舉人長夫銀伍百貳拾肆兩捌錢叁分伍釐
陸毫

舉人坊牌銀貳百柒拾伍兩
歲會書冊銀陸兩

修船銀壹千貳拾兩玖錢

零絲銀壹兩伍錢壹分伍釐伍毫

河道支使工食銀捌千叁百肆拾伍兩壹錢

貳分

各州縣

官吏俸糧孤貧人等口糧銀柒千陸百捌拾

捌兩伍錢柒分玖釐玖忽遇閏加銀陸

百捌拾肆兩壹錢柒分柒絲柒忽肆微

壹纖陸沙陸塵

各官祇候馬夫齋夫等銀肆千陸百柒拾肆
兩遇閏加銀壹百陸拾肆兩柒錢伍分
各項人役工食銀叁萬叁千捌百貳拾玖兩
伍錢叁分貳釐伍毫遇閏加銀壹千陸
拾兩貳錢伍分貳毫

公費夫廩修理祭祀鄉飲等項銀壹萬伍千
壹百肆拾柒兩伍錢柒分捌釐陸毫遇
閏加銀貳百貳拾伍兩陸錢捌分捌釐
捌毫壹絲捌忽肆微叁纖叁沙捌塵

撰表并什物等銀貳百柒拾陸兩捌錢伍分

伍釐伍毫

土兵軍餉銀貳百陸拾伍兩捌錢捌分捌毫
聽候恤刑主事包本取用什物銀拾貳兩柒

錢貳分

聽候刑部主事審錄造冊并舍人工食等銀

拾兩伍錢

協濟

淮安府常盈倉麥壹萬石每石折銀肆錢共銀

肆千兩

亳州倉

本色麥壹百伍拾石

折色麥壹百伍拾玖石每石折銀肆錢共銀

陸拾叁兩陸錢

鳳陽府倉

本色米壹萬壹百柒拾石柒斗柒升陸合

折色米貳萬貳千柒百貳拾叁石伍斗陸升

貳合每石折銀陸錢共銀壹萬叁千陸

百叁拾肆兩壹錢叁分柒釐貳毫

應天府科場銀壹百拾壹兩伍錢肆分壹釐伍

毫肆絲

鳳陽府武場供應銀貳拾柒兩貳錢肆分叁釐

叁毫叁絲肆忽

徐州境呂貳閘溜夫椿草銀壹百伍拾柒兩貳

錢遇閏加銀拾叁兩壹錢

江淮東葛棠邑等驛并會同館馬驢工價等銀

壹千捌百陸拾伍兩柒分遇閏加銀拾

伍兩

大柳驛站馬銀玖拾肆兩叁錢叁分
鮮魚網銀捌拾叁兩

石塔口閘夫工食銀拾兩捌錢

魚油翎鰓銀肆拾貳兩肆錢叁分

聽候題免節省銀伍千捌百柒拾肆兩壹錢玖
分貳釐貳毫今仍暫徵

雜項出辦

原額總數

原額銀壹萬貳千陸百捌拾陸兩肆錢壹分

伍釐柒毫貳絲玖忽叁微柒纖玖塵捌

渺

本色鈔玖千玖百玖拾柒貫肆伯柒拾文

續增總數

續增銀陸千壹拾貳兩壹錢肆分叁釐伍毫

捌絲肆忽貳微伍纖

減免總數

減免銀叁千玖拾柒兩柒錢玖分壹釐叁毫

陸絲貳忽陸微肆纖玖塵捌渺

實徵總數

實徵銀壹萬肆千玖百肆拾玖兩貳錢陸分
柒釐玖毫伍絲玖微捌纖遇閏加銀壹
百拾捌兩貳錢壹分壹釐陸毫叁絲陸
忽柒微捌纖伍沙

本色鈔玖千玖百玖拾柒貫肆佰柒拾文

聽候題免節省銀陸百一拾柒兩玖錢叁釐

壹毫今仍暫缺

戶部

鹽鈔銀叁拾叁兩肆錢伍分貳釐肆毫柒

水脚銀叁錢叁分肆釐伍毫貳絲肆忽

柒微遇閏加銀貳兩捌錢肆分叁釐陸

毫叁絲柒微陸纖

蠟茶銀拾陸兩伍錢水脚銀叁錢叁分

禮部

上下半年牲口銀叁拾叁兩貳錢貳分水脚

銀陸錢陸分肆釐肆毫

稻皮銀壹兩捌錢水脚銀叁分陸釐

藥味銀柒錢叁分捌釐水脚銀壹分肆釐叁毫陸絲

兵部

馬價銀伍拾叁兩捌錢叁分肆釐叁毫捌絲叁忽伍微貳纖

草料銀拾貳兩水脚銀壹錢貳分

牧馬草場租銀叁千壹百貳拾兩壹錢伍釐

捌毫叁忽壹微

工部

四司料價銀壹百捌拾壹兩柒錢壹分水

銀壹兩捌錢壹分柒釐壹毫

磚料銀貳拾陸兩玖錢捌分捌釐水脚銀貳錢陸分玖釐捌毫捌絲

軍器銀捌拾兩捌錢陸分陸釐捌毫

胖衣并鋪墊水脚銀叁百柒拾柒兩柒錢肆

分

箭枝銀叁拾伍兩柒錢伍分

鹿皮銀拾捌兩水脚銀壹錢捌分

天鵝活鹿銀貳拾兩伍錢水脚銀貳錢伍釐

藍靛銀柒兩伍錢水脚銀柒分伍釐

黃白麻料銀捌百玖拾玖兩陸錢陸分柒釐

壹毫伍絲壹忽捌微遇閏加銀拾捌兩

叁錢捌分柒釐壹毫柒絲壹忽貳纖伍

沙

段絹絲價并鋪墊水脚共銀肆拾叁兩伍錢

壹分

綵麻銀柒兩陸錢叁分伍釐陸毫

南京

禮部

藥味銀捌分貳釐水脚銀捌毫貳絲

工部

茭苗苕蓐銀陸錢貳分伍釐水脚銀陸釐貳

毫伍絲

撫院項下

軍餉銀柒百兩柒錢捌分玖釐捌毫陸絲

賓禮銀肆拾兩

操院項下

軍餉銀陸兩

學院項下

供應銀玖拾陸兩肆錢伍分叁釐肆毫伍

絲

鹽院項下

燈夫工食銀貳拾兩捌錢

太僕寺項下

班獸醫銀貳兩伍分

海道項下

燈夫工食銀柒拾貳兩

鹽法道項下

供應銀壹百伍拾兩柒錢陸分

河道項下

湖蕩草租銀肆百壹拾伍兩肆錢陸分貳釐

壹毫

知府員下

燈夫工食銀貳拾捌兩捌錢

清軍同知員下

燈夫工食銀貳拾捌兩捌錢

公費油燭銀叁兩

江防同知員下

燈夫工食銀貳拾壹兩陸錢

管河通判員下

燈夫工食銀貳拾捌兩捌錢

管糧通判員下

燈夫工食銀貳拾捌兩捌錢

推官員下

燈夫工食銀貳拾捌兩捌錢

公費油燭銀陸兩

檢校員下

公費祗候馬夫銀伍拾捌兩遇閏加銀壹兩

伍錢

工食銀肆拾肆兩肆錢

西場巡檢司弓兵工食銀壹百拾伍兩貳錢

舊江口巡檢司弓兵工食銀壹百柒拾貳兩捌

錢

石莊巡檢司弓兵工食銀貳百壹拾陸兩

掘港巡檢司弓兵工食銀壹百肆拾肆兩

吳陵巡檢司弓兵工食銀壹百叁拾捌兩

儀真驛館支水夫座馬銀捌百柒拾貳兩貳錢

貳分貳釐遇閏加銀陸拾捌兩柒錢陸分

捌毫叁絲伍忽

安平驛驛丞馬銀貳拾貳兩柒錢

解府

損解銀貳百玖兩壹錢肆分

舉人坊牌銀貳拾伍兩

課鈔野味銀壹百貳拾貳兩陸錢伍分伍毫

貳絛玖忽陸微

銷繳勘合銀壹兩貳錢

各州縣

師生廩糧雇馬等銀叁百貳拾兩陸錢肆分

遇閏加銀貳拾陸兩柒錢貳分

四二
牧官雇馬銀伍拾肆兩

公費支使等銀玖百肆拾肆兩伍錢捌分貳

釐玖毫伍絲陸忽玖微陸纖

夫廠車夫銀貳千肆拾捌兩

各項工食銀貳千柒百貳拾肆兩陸錢柒分

叁釐

協濟

魚油翎鰓銀叁拾柒兩陸錢柒分

應天府文場供應銀伍兩陸錢玖分陸釐

毫肆絲陸忽參徵

鳳陽府武場供應銀玖兩肆錢玖分捌釐柒毫陸絲伍忽

聽候題免節省銀陸百陸拾柒兩玖錢叁釐

壹毫今仍暫徵

萬曆肆拾叁年閏捌月 十三日呈詳蒙

撫院陳 批江北賦役浮詭之弊楊屬獨殊該道前

已清裁貳萬陸百兩有奇而今更加意于額內應覈之虛數纖毫洞照本院部披評

閱冊見分別存徵賦免無不可據為成規
者除節省銀一項候另具

題外該道即行府刊布各屬遵守仍先出示小民通知
俾里通吏書不得多徵重派其各州縣由
票在前年申來者悉改依今式行蘇

操院羅

批賦役頭緒甚繁吏胥弊竇更夥自非心

思粹白才識融練俾上供不缺下困獲甦
安能一旦而新其絃轍焉今查該府賦免
過各款通計肆萬玖百有奇逐項細開

詳且確雖行之拾世足垂永賴固不獨
時百萬生靈受福已也該道良為苦心矣
俱如議着實行仍候通詳繳

帶管河道院部陳 批楊屬賦役編銀舊多冗濫徒
為侵剋者資據今冊則各項俱從實用定
數而所省已肆萬玖百柒拾兩有奇矣此
該道節用愛人之政也即如議刊刻分發
各州縣照行自肆拾肆年為始永遠遵守
繳刊冊式仍三道會同以便彙訂

帝管糧儲部院李

批據詳具見該道留心民瘼矣

仰候通詳行繳

按院唐

批從來錢糧為積弊淵藪離朱之明所不能晰也該道殫精稽核井井較若列眉節省減免至陸萬有奇所關民生

國計之最大者刊刻成書及由票散給俾一目瞭然家喻戶曉絕影射之奸塞漏卮之弊一念憂民苦心實造維揚無量之福即通行合屬永永遵守繳

鹽院謝

批賦定則民易供數清則蠹難入據

見弊源寬卹民艱纖悉周到鑒鑒可行維
揚百世之利其在茲乎便者為令以永遵
守此繳

學院王

批釐冗祛浮蠲繁費實乃今日節省第一
義據所減定豈惟

國計民生兩有攸賴即於各有司官箴所裨不淺如議

揭示成書以便永遠遵行繳

倉院郭

批賦役成規定為一書刊布一以寬民力

一以絕吏奸雖式之字內可也况經殫心
精覈有不奉行惟謹者豈循良之為乎速
宜完書仍榜示通衢村落以便遵納繳
批據詳酌議妥確立法簡明誠官民兩便
經久良規也俱依議仍候

各院詳示行繳

屯院孫

疆之福矣減存款目磨筭既確梓書通
仍出示徧曉人人盡知分數雖有污吏奸
胥從此何能上下其手畫一良規昭垂永
久可也如議行候通詳行繳

為清錢糧杜虛冒以寬民力事本道因見揚屬

役錢糧弊竇叢多不避勞怨勉為編訂漸垂永利
於四十二年十二月行據各州縣開報實徵實派
鞭糧丁田數目及收支文卷到道逐項酌議減免
對抵緣由造冊具詳呈蒙

本院

院部

批允已校刊成書正在定頒由票間頃本

道躬赴淮泗辭謁

各臺於十月初四日由高郵經過據該州林知州
具詳請將優免丁糧加入梁州田糧銀內均帶本

道謂優免係不定之數難以定派查本屬歷來成規與淮安新訂成規皆所未載隨經票行該州知會聽候本道議詳臨時酌派及至寶應又據該縣署印馮通判稟稱此中每生員一名要免糧銀四兩職仰體德意欲稍議減乃各生群然執稱通州每生免銀六兩若無田糧可免者該州照給應免之銀本道聞之不勝驚疑隨取賦役成規書冊沿途逐細檢閱江儀等七州縣條鞭起派與丁糧數目相合獨通州海門如皋三州縣條鞭起派與

糧數目不核隨喚本道經營書吏戴進林聯

查據稱三州縣原報有竈田學田冊江不開以故
不能相核隨經差人前去各州縣查覈始據揭報
通州除竈學田及冊江外有未報田五百七十二
頃三十九畝四分九釐九毫海門縣除竈學田及
冊江外有未報田二十五頃九十七畝六分九釐
三毫如皋縣除竈學田及冊江外有未報田一千
八百二十九頃六十一畝皆云係優免役占為照
田地戶口實徵鞭糧一州有一州之額一縣有一

縣之額載仕版籍毫難紊亂若優免之例不過免其戶內丁糧原未載免田地即丁糧亦難以常額為準如官員有內外品級之不同舉監生員有選授進退之不同吏農承差有納革存亡之不同必待臨期酌派庶幾可免混冒而况原額官民田地尺寸總屬王土豈得任憑隱匿者該州縣不知起自何時藉口優免將田地欺隱除去各若干且又不知所除者何人之田何人之地漫無查考夫優免丁糧不詳明

院道徑自加派已屬非法矧以實在田地敢於
行隱匿者乎此明係當該吏書通同總里書集籍
名飛詭朋比侵漁如通州一州隱銀至四千二百
一十八兩九錢九分零本州諸生又安得不各要
免銀六兩而又何恠乎旁邑諸生之援請紛紛求
加不已也除將前項欺隱田糧改正加入該州縣
額款項下其於槩州槩縣原減過實徵總派銀數
雖毫不能增減其在納戶前此通州民戶上田除
減免過丁糧今每畝又得減銀二分六釐九毫三

忽伍微陸纖中田除減免過丁糧今每畝又得減銀一分三釐四毫五絲八忽下田除減免過丁糧今每畝又得減銀六釐七毫二絲五忽九微竈戶魚戶附籍人戶各上田除減免過丁糧今每畝又得減銀二分三釐三毫四絲七微七纖中田除減免過丁糧今每畝又得減銀一分一釐六毫七絲三微八纖五沙下田除減免過丁糧今每畝又得減銀五釐八毫三絲五忽一微九纖二沙五塵以上共又減銀四千二百一十八兩九錢九分五

三毫九絲三微八纖海門縣民戶上田除減

丁糧今每畝又得減銀八分四釐一毫七絲二忽
九微五纖五沙中田除減免過丁糧今每畝又得
減銀五分四釐一毫四絲四忽三微六纖六沙九
塵下田除減免過丁糧今每畝又得減銀二分九
釐三毫七絲七微一纖二沙以上共又減銀四百
九十六兩六錢一分九釐一毫如皋縣民戶田地
係一則起科除減免過丁糧今每畝又得一例減
銀一毫八絲六忽八微六沙四塵三渺六漠共又

減銀四百九十三兩七分七釐二毫已經查將成
規書冊并由票內今減數目逐細翻刊呈送頒發
以後優免丁糧該本道遵照

會典則例酌議著為畫一之規另具詳請外所據作弊
吏書人等難容輕縱合無請乞

本院院部詳示嚴批下道備行揚州府行提通海如

三州縣經承吏書總里書弄究擬招詳及查如阜
縣原文內曾開有除優免字樣與通州海門縣隱
瞞不露一字明屬故為者相應分別重輕究擬

做奸欺如此庶田糧不致乾沒而百姓又得少
一分之困矣緣係請明改正田糧并查究作弊
書事理擬合呈詳為此伏乞

照詳施行

肆拾叁年拾月 二十四 日

撫院陳 批優免丁糧遵照

典已批前詳行矣該州縣作弊吏書人等仍行府查
究招詳

按院唐

批賦役成規該道苦心編輯樽節靡餘

求為小民寬一分之力耳乃三州縣既有優免之田當明開于查造之日直待書成復查而後畢露若非該道之精核此二千四百頃之糧且汨沒于無可考究之優免矣吏書朦蔽罪可勝誅執書冊由票准改正吏總書筭分別嚴究招報

鹽院謝

批各州縣欺隱田糧數多閱之殊可駭愕三尺法于斯盡矣應嚴提重究

為申明優免之典以一遵守以甦民困事
道酌訂賦役成規查得楊屬優免丁糧與別省直
迥異俱不遵照

大明會典欽定則例亦不載在賦役冊內即本屬各州
縣亦無一定事規胥徒任意加派官府漫無查考
本道再三躊躇欲議定額數載之入冊顧恐官員
歲有陞遷生員歲有進退吏農承差歲有納單事
故難以常額為準若不載之入冊聽其仍前混行
徵派恐地方小民偏受其害將安底極本道雖濱

行之人而一念愚忠不容緘默相應亟為陳請合
無恭候

詳示下道備行揚州府通行所屬各州縣查照

會典事例如該州縣有鄉官幾員其官見居幾品以某
名為戶戶內田地人丁若干該免糧若干丁若干
舉監生員某以其名為戶戶內田地人丁若干該
免糧若干丁若干吏農承差某以其名為戶戶內
田地人丁若干該免糧若干丁若干每糧一石酌
定銀若干務要協一俱自四十四年為始

徵之前行令各該里長將本里鄉官舉監生戶
農承差逐名并應免丁糧數目開報該州縣酌派
的確類造一冊具詳本道覆覈轉詳

本

院部

批允方許派徵不得仍前混派混免違者

定行提吏坐贓究革於是錢糧數目雖不載入成
規而每年派徵著有此例亦即成規之摹本也緣
係申明優免之典以一遵守以甦民困事理擬合
呈詳為此伏乞

照詳施行

肆拾叁年拾月 二十四 日

撫院陳 批前閱賦役新冊至此款而稍疑之得
今詳而釋矣

會典事例鄉官以下各優免有定額直省共遵此方安
得獨異仰照行繳

按院唐 批優免混濫向鮮成規奸胥上下其手
小民偏受其累矣據議臨期酌派造冊
俟詳允之後派徵此即畫一之良法也
准照行繳

鹽院謝

批歲派之數先詳道發下然後開

覈實之法各處皆然乃維揚始初自今
也該道樹德於此方者厚矣依擬行繼